

Furmaziuns fundamentalas professiunalas cun attestat professiunal AFP

Descripzions detagliadas e films davart las professiuns sut: www.berufsberatung.ch.

Practicista / practicist d'isolaziun AFP



© polybau.ch

Practicistas e practicists d'isolaziun gidan ad isoler tetgs plats. Cun bitum, asfalt culà, materias sinteticas e bleras autres substanzas isoleschan els tetgs plats, terrassas, penslas e tschalers cunter aua da plievgia e cunter aua sutterrana. Els endrizzan er differentas cuvridas transiblas sin terrassas e tschentan plattas da fund. Cun l'attestat professiunal AFP e cun bunas prestaziuns èsi pussaivel d'entrar en il 2. onn d'emprendissadi sco isolatura / isolatur AFQ.

Practicista agrara / practicist agrar AFP



© SDBB | CSFO, Reto Klink

Practicistas agraras e practicists agrars AFP pon esser activs en trais differentas direcziuns professiunalas:
En la direcziun «agricultura» gidan els a cultivar ers ed a producir Pavel, ed els tegnan e tgiran animals per la producziun da charn, da latg e dad ovs. En la direcziun «culturas spezialas» lavuran els en la cultivaziun da verdura, en la pumicultura u la viticultura. Ed en la direcziun «viticultura» transfurman els ivas en vin.
Cun l'attestat professiunal AFP e cun bunas prestaziuns èsi pussaivel d'entrar en il 2. onn d'emprendissadi sco spezialista / spezialist da giaglinom AFQ, ortulana / ortulan da verdura AFQ, pura / pur AFQ, pumicultura / pumicultur AFQ, tschalerera / tschalerer AFQ u viticultura / viticultur AFQ.

Assistenta / assistant da sanadad e fatgs socials AFP



© SDBB | CSFO, Reto Klink

Assistentas ed assistant da sanadad e fatgs socials AFP sustegnan lur clientas e clients tar la tgira da la sanadad e dal corp. Els controlleschan las funcziuns dal corp sco il puls, la respiraziun e la temperatura. Els dovran blera empatia e chapientscha per personas attempadas, impedidas e malsauñas. Lieus da lavur èn chasas da personas attempadas e da tgira, chasas per personas cun impediments, ospitals u la Spitex.
Cun l'attestat professiunal AFP, cun bunas prestaziuns e cun experientscha correspondenta èsi pussaivel d'entrar en il 2. onn d'emprendissadi sco spezialista / spezialist da sanadad AFQ u spezialista / spezialist da tgira AFQ.

Assistenta / assistent da mantegniment d'autos AFP



© SDBB | CSFO, Maurice Grünig

Assistantas ed assistents da mantegniment d'autos AFP fan simplas reparaturas da vehichels. Els midan per exemplu l'ielu. Els unschan la tocca movibla dals motors u controlleschan e chargian las battarias. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco spezialista / spezialist d'autos AFQ.

Pasternera-pastiziera-confisiera / pasterner-pastizier-confisier AFP



© SDBB | CSFO, Reto Schlatter

Pasterneras-pastizieras-confisieras e pasterners-pastiziers-confisiers AFP preparan products da conditoria, da pasterneria e da confisaria, per exemplu paun, pastizarias, snacks e sandwichs, patissaria, turtas, pralinas, divers desserts e bler auter. Utilisar e surveglier maschinas ed apparats sco er observar las prescripcions d'igiena fa medemamain part da lur mintgadi. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco pasternera-pastiziera-confisiera / pasterner-pastizier-confisier AFQ.

Practicista / practicist da construcziun AFP



© SDBB | CSFO, Thierry Parel

Practicistas e practicists da construcziun AFP sustegnan in team da lavureras e lavurers da construcziun. Els gidan ad endrizzar il pazzal, a far entuladas e mirs sco er ad exequir lavurs da betun. Els èn cunresponsabels per la segirezza, per l'urden e per la nettezza sin il pazzal. Per quest intent monteschan els puntanadas e protecziuns cunter crudadas da persunas. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco miradura / miradur AFQ.

Cusunza / cusunz da vestgadira AFP



© SDBB | CSFO, Iris Krebs

Cusunzas e cusunzs da vestgadira AFP creeschan – cun differentas textilias – vestgids u objects. Sin basa da models da tagl calculeschan els il basegn da taila, taglian la taila e cusan ensemens ils tocs taila a maun u cun maschinas da cuser. Els insereschan differentas serras sco foras da buttuns, serronetgas u buttuns da smatgar. Sin giavisch da la clientella midan e repareschan els er vestgids. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco creatura / creatur da vestgadira AFQ.

Per il mument naginas firmas d'emprendissadi en il Grischun.

Commerzianta / commerziant AFP



© SDBB | CSFO, Iris Krebs

Commerziantas e commerziants AFP lavuran en l'administraziun d'interpresa e da manaschis. Els liquideschan lavurs commerzialas pli simplas. Els èn per exemplu cumpetents per ils quints, fan empustaziuns, deponan documents, registreschan datas e fan servetsch da telefon. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco commerzianta / commerziant AFQ.

Practicista / practicist da chemia e farmaceutica AFP



© aprendas

Practicistas e practicists da chemia e farmaceutica AFP collavuran tar la producziun da medicaments, da products cosmetics e d'auters products. Els lavuran en las suandantas branschas: chemia e farma, biotecnologia, agrochemia e cosmetica. Els preparan ils indrizs per ils proxims process. Alura nettegian e controlleschan els ils indrizs.

Per il mument naganas firmas d'emprendissadi en il Grischun.

Coiffeusa / coiffeur AFP



© SDBB | CSFO, Iris Krebs

Coiffeusas e coiffeurs AFP lavuran en fatschentas da coiffeur. Els beneventan la clientella al termin fixà e s'infurmeschan davart lur giavischs. Avant che ademplir ils giavischs da la clientella, discurran els cun la superiura u il superiur. Ensemen planiseschan e discutan els ils pass da laver che las coiffeusas ed ils coiffeurs AFP exequeschan lura sezs.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco coiffeusa / coiffeur AFQ.

Practicista / practicist cuvratetgs AFP



© SDBB | CSFO, Reto Klink

Practicistas e practicists cuvratetgs AFP sa movan sco alpinistas ed alpinists si e giu per ils tetgs. Els gidan a cuvrir tetgs spundivs cun quadrels da terracotga, cun plattas da metal u da plattamorta ubain cun fibrocement. Sut las cuvridas dals tetgs gidan els ad installar barrieras da vapurs, isolaziuns termicas e tetgs pers.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco cuvratetgs AFQ.

Cusunza / cusunz da decoraziuns AFP



© SDBB | CSFO, Susi Lindig

Cusunzas e cusunzs da decoraziuns AFP lavuran en ateliers da cuser. Els produceschan sumbrivals, plimatschs ed accessoris da taila. Per il solit lavuran els cun la maschina da cuser. Er forschs, guglias da cuser, il centimeter, il circul ed il squader èn instruments da lavur impurtants.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco creadra / creader da textilias interiuras AFQ.

Assistenta / assistent da commerzi en detagi AFP



© SDBB | CSFO, Iris Krebs

Assistantas ed assistents da commerzi en detagi AFP servan la clientella en in negozi. Els respondan dumondas, lavuran a la cassa e pacheteschan rauba. En il deposit s'occupan els da la rauba furnida. Els mettan la rauba sin ils regals e nodan ils pretschs.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco spezialista / spezialist da commerzi en detagi AFQ.

Practicista / practicist da drenascha AFP



© SDBB | CSFO, Frederic Meyer

Practicistas e practicists da drenascha AFP nettegian, svidan e tgiran ils stabiliments da drenascha. Quai èn bischens e chanals che mainan l'aua duvrada u l'aua da plievgia en la chanalisaziun. Practicistas e practicists da drenascha AFP lavuran cunzunt en il sectur da la drenascha d'immobiglias.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco tecnologa / tecnolog da drenascha AFQ.

Practicista constructura / practicist constructur da fatschadas AFP



© polybau.ch

Practicistas constructuras e practicists constructurs da fatschadas AFP gidan a fixar elements da fatschadas vi da chasas ed ad isolari paraids. Els sustegnan las constructuras ed ils constructurs da fatschadas AFQ, sch'i vegnan montadas subconstrucziuns, e sa movan cun inschign sin las puntanadas a la fatschada dals edifizis. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco constructura / constructur da fatschadas AFQ.

Assistent / assistant da mazlaria AFP



© SDBB | CSFO, Iris Krebs

Assistentas ed assistents da mazlaria AFP lavuran en mazlarias ed en manaschis da l'industria da charn. Els elavuran charn e produceschan products a basa da charn. Els enconuschan ils pass da lavur ed observan las prescripcziuns d'igiena. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco spezialista / spezialist da products da charn AFQ.

Flurista / florist AFP



© SDBB | CSFO, Iris Krebs

Fluristas e florists AFP lavuran en affars da flurs. Els elavuran flurs e plantas e mettan ensemes matgs u auters arranschaments da flurs. Els cusseglian e servan la clientella. Ultra da quai creeschan els arranschaments da flurs per interiurs e produceschan al lieu decoraziuns per occurrentzas spezialas.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco florista / florist AFQ.

Practicista / practicist da furmas AFP



© SDBB | CSFO, Susi Lindig

Practicistas e practicists da furmas AFP produceschan models, furmas, utensils ed elements da construcziun. Lur products èn destinads a differentas branschas industrialas, sco l'industria da maschinas e da materias sinteticas, la cularia da metal u la construcziun da vehichels e d'aviuns. Practicistas e practicists da furmas AFP lavuran cun maschinas ed a maun.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco constructura / constructur da furmas AFQ.

Per il mument naginas firmas d'emprendissadi en il Grischun.

Practicista forestala / practicist forestal AFP



© SDBB | CSFO, Thierry Porchet

Practicistas forestalas e practicists forestals AFP coopereschan tar tut las lavurs en il guaud. Els taglian, tgiran e plantan bostgs. Cun resgias a motor e cun turns da suga derschan els plantas e bostgs, allontaneschan alura la romà e taglian il bist. Silsuenter vegn la laina transportada cun tractors u cun cranas a cabel a la piazza da deposit. La primavaira e la stad exequeschans els cunzunt lavurs da tgira en il guaud giuven. Per ch'ils bostgs giuvens possian crescher ed hajan avunda glisch, allontaneschan els zerclim e chaglias disturbantas cun la fautsch a motor e cun la resgia a motor. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco bostgera / bostger AFQ.

Ortulana / ortulan AFP



© SDBB | CSFO, Maurice Grünig

Ortulanas ed ortulans AFP sa spezialiseschan sin ina da duas direcziuns professiunalas. En la direcziun «orticultura e cuntrada» gidan els a construir ed a tgirar surfatschas verdas sco curtins, plazzas da gieu, implants da sport u parcs. En la direcziun «producziun da plantas» multipligescchan e cultiveschan els plantas decorativas e plantas da niz. Els produceschan las plantas en ierts sut vaider u al liber. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco ortulana / ortulan AFQ.

Nettegiadra / nettegiader d'edifizis AFP



© SDBB | CSFO, Maurice Grünig

Nettegiadras e nettegiaders d'edifizis AFP gidan a nettegiar, a tgirar ed a mantegnair la valur d'edifizis e da meds da transport. Els procuran per nettezza ed igiena en abitaziuns, biros, locals da vendita, ospitals, fabricas, chars da viafier e.u.v. Els applitgeschan metodas da nettegiar adequatas e dovràn latiers ils dretgs apparats, las dretgas maschinas sco er ils dretgs meds da nettegiar. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco nettegiadra / nettegiader d'edifizis AFQ.

Practicista montadra / practicist montader da puntanadas AFP



© polybau.ch

Practicistas montadoras e practicists montaders da puntanadas AFP installeschan puntanadas e demonteschan quellas, suenter che las lavurs da construcziun èn terminadas. Grazia a las puntanadas pon las autres spezialistas ed ils auters spezialists da construcziun liquidar lur lavurs vi da las fatschadas e sin ils tetgs. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco montadra / montader da puntanadas AFQ.

Practicista stuccatura / practicist stuccatur AFP



© SDBB | CSFO, Frederic Meyer

Practicistas stuccaturas e practicists stuccatars AFP surtiran paraids e palantschieus sura cun gip e cun otras materialias. Las paraids ed ils palantschieus sura vegnan d'ina vart rinforzads e protegids. Da l'autra vart vegnan gulivadas chavas e foras, uschia ch'i resulta ina surfatscha glischa. Sin il plazzal lavuran practicistas stuccaturas e practicists stuccatars AFP per il solit en in team. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco stuccatura-constructura / stuccatur-constructur a sitg AFQ.

Practicista montadra / practicist montader da binaris AFP



© SDBB | CSFO, Thierry Porchet

Practicistas montadras e practicists montaders da binaris AFP gidan a construir ed a mantegnair binaris, fan lavurs da reparatura ed èn responsabels per la tgira dals conturns dals binaris. Els lavuran adina en in team ed èn da tutt'aura al liber. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco montadra / montader da binaris AFQ.

Practicista sondadra / practicist sondader AFP



© Infra Suisse

Practicistas sondadoras e practicists sondaders AFP exequeschan lavurs praticas sin il plazzal. Els preparan in sulom uschia, ch'el po vegnir surbajegià senza privel e duraivlamain. Els gidan a far sondagis, chavan e segireschan ils fossals, franchiseschan ils mirs da susteign e tschentan ils fundaments per ils edifizis. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco sondadra / sondader AFQ. Per il mument naginas firmas d'emprendissadi en il Grischun.

Practicista / practicist da tecnica da chasa AFP



© SDBB | CSFO, Frank Müller

Practicistas e practicists da tecnica da chasa AFP surpiglian simplas lavurs da preparaziun e da montasca tar l'installaziun da stgaudaments, d'indrizs sanitars e d'indrizs da ventilaziun. Els han in bun inschign pratic e tecnic. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco installatura / installatur da stgaudaments AFQ, constructura / constructur da ventilaziuns AFQ, installatura sanitara / installatur sanitar AFQ u tolera / toler AFQ.

Practicista / practicist d'economia da chasa AFP



© SDBB | CSFO, Maurice Grünig

Practicistas e practicists d'economia da chasa AFP lavuran en tut ils manaschis, nua ch'i vegnan exequidas activitads da l'economia da chasa: en chasas da dimora ed en ospitals ubain en hotels ed en restaurants. Els lavuran en cuschina ed en il service, en il sectur d'abitar ed en il provediment da laschiva. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco spezialista / spezialist d'economia da chasa AFQ.

Elavuratura / elavuratur da lain AFP



© SDBB | CSFO, Maurice Grünig

Elavuraturas ed elavuratur da lain AFP èn activs en manaschis da la construcziun en lain u da l'industria da lain. Els elavuran lain cun maschinas da splanar, tagliurns, resgias a bindel, fresas, maschinas da glimar e resgias a motor, u transfurman bostgs en travs, lattas ed aissas, tut tenor la direcziun tschernida. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco resgiadra / resgiader en l'industria da laina AFQ u lainaria / lainari AFQ.

Emploiada / emploià d'hotel AFP



© SDBB | CSFO, Maurice Grünig

Emploiadas ed emploiads d'hotel AFP lavuran en hotels. Els procuran ch'ils giasts da vacanzas sco er las participantas ed ils participants da seminaris sa sentian bain. Els nettegian las chombras dals giasts ed ils locals da segiurn. Els collavuran en la lavandaria ed assistan ils giasts durant l'ensolver ed a chaschun d'occurrenzas en l'hotel. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco spezialista / spezialist d'hotel AFQ.

Practicista constructura / practicist constructur da palantschieus industrials e da basa AFP



© Infra Suisse

Practicistas constructuras e practicists constructurs da palantschieus industrials e da basa AFP mettan palantschieus da betun, da gumma u da rascha artifiziala senza chavas en hallas da sport ed en chasas da parcar. Els han ina buna constituziun fisica, perquai ch'els na lavuran betg mo cun maschinas, mabain exequeschan er bleras lavurs en posiziuns sgobadas u en schanuglias. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco constructura / constructur da palantschieus industrials e da basa AFQ.

Practicista montadra / practicist montader d'indrizs da schelentar AFP



© SDBB | CSFO, Maurice Grünig

Practicistas montadras e practicists montaders d'indrizs da schelentar AFP gidan a construir ed ad installar sistems da schelentar. Sut l'instrucziun da lur superiura u superior produceschan els conducts da bischens. Els taglian bischens d'arom u d'atschal a la dretga mesira, als storschan en la dretga furma ed als monteschan en ils edifizis. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco montadra / montader d'indrizs da schelentar AFQ.

Emploiada / emploià da cuschina AFP



© SDBB | CSFO, Alessandra Rime

Emploiadas ed emploiads da cuschina AFP collavuran en il team da cuschina d'in restaurant u d'in hotel ubain d'ina chasa da dimora u d'in ospital. Els preparan las ingredienzas e produceschan sez simplas tratgas tenor las instrucziuns da lur scheffa u schef. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco cuschiniera / cuschinier AFQ.

Practicista / practicist da materias sinteticas AFP



© SDBB | CSFO, Frederic Meyer

Practicistas e practicists da materias sinteticas AFP enconuschan la cumposiziun da material sintetic. Els elavuran materias primas cun differentas tecnicas e produceschan artitgels sintetics sco chaschas per computers, bischens, emballadis e.u.v. Els èn abels da survegiliar il process da producziun, perquai ch'els enconuschan exactamain las ristgas, sch'i vegn lavurà cun autas temperaturas e cun gronda pressiun.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco tecnologa / tecnolog da materias sinteticas AFQ.

Assistenta vernischadra / assistent vernischader AFP



© SDBB | CSFO, Susi Lindig

Assistantas vernischadras ed assistents vernischaders AFP lavuran ubain en manaschis da carrossaria ubain en manaschis d'industria. Els colureschan e sprizzan maschinas, apparats, vehichels u elements da construcziun che consistan da differents materials. L'emprim dentant gliman e dattan els si la colur da basa a las surfatschas e maschaidan las differentas colurs. Alura puleschan els las surfatschas, pacheteschan ils elements da construcziun e preparan tals per la spediziun.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco vernischadra / vernischader da carrossaria AFQ.

Practicista / practicist da victualias AFP



© SDBB | CSFO, Reto Klink

Practicistas e practicists da victualias AFP mainan indrizs per la producziun industriala da victualias e da bavrondas. Els lavuran exactamain ed observan minuziusamain las prescripcions e las instrucziuns da lavur. Els enconuschan las materias primas, ils indrizs e las maschinas sco er las basas da la tecnologia da las proceduras. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco tecnologa / tecnolog da victualias AFQ.

Logisticra / logisticher AFP



© SDBB | CSFO, Iris Krebs

Logisticras e logistichers AFP lavuran en deposits, tar interpresas da spediziun, en centers da brevs e da pachets sco er a staziuns da viafier. Els zaivran la posta, prendan encunter rauba, elavuran furniziuns u cumponan trens.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco logisticra / logisticher AFQ.

Practicista pictura / practicist pictur AFP



© SDBB | CSFO, Thierry Parel

Practicistas picturas e practicists picturs AFP surtiran fatschadas, paraids, palantschieus sura, palantschieus, ischs, fanestras ed autres parts d'edifizis cun colurs e cun vernischs. Uschia gidan els a proteger ed a mantegnair ils edifizis. Els cuvran quellas parts dals edifizis che na vegnan betg coluradas. Sin il plazzal endrizzan els il magazin e plazzeschan stgalas u puntanadas.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco pictura / pictur AFQ.

Practicista / practicist da mecanica AFP



© SDBB | CSFO, Reto Klink

Practicistas e practicists da mecanica AFP èn participads a la construcziun d'apparats e da maschinas. Els elavuran metals e materias sinteticas, produceschan tocs singuls u gidan ad endrizzar entirs stabiliments. Els preparan ils utensils e controlleschan, sche las maschinas funcziunan tenor las prescripcziuns.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco mechanista / mechanist da producziun AFQ.

Practicista / practicist da construcziuns en metal AFP



© SDBB | CSFO, Iris Krebs

Practicistas e practicists da construcziuns en metal AFP gidan a producir parts d'edifizis sco ischs, fanestras, fatschadas, vitrinas, verandas d'enviern, stgalas, balcuns e construcziuns en atschal. Els san, co ch'ins elavura metal, ed els coopereschan tar la montascha. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco constructura / constructur da metal AFQ.

Practicista / practicist da latg AFP



© SDBB | CSFO, Maurice Grünig

Practicistas e practicists da latg AFP lavuran en manaschis ch'elavuran latg. Els produceschan chaschiel, latg da consum, groma, paintg, products da latg acidulà, quagliada, chaschiel frestg sco er autres spezialitads da latg.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco tecnologa / tecnolog da latg AFQ.

Practicista / practicist da tractament da surfatschas AFP



© SDBB | CSFO, Susi Lindig

Practicistas e practicists da tractament da surfatschas AFP gidan a surtrair parts da metal e da materia sintetica. Els nobiliseschan surfatschas da tut gener ed applitgeschan per quest intent maschinas e cranas. Els sa spezialiseschan en surzinar, galvanisar u anodisar.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco galvanostegista / galvanostegist AFQ.

Per il mument naginas firmas d'emprendissadi en il Grischun.

Tgiradra / tgirader da chavals AFP



© SDBB | CSFO, Roland Egli

Tgiradras e tgiraders da chavals AFP èn responsabels sin in bain da chavals u da ponis per la tgira ed assistenza quotidiana dals animals. Els mantegnan il material e las stallas. La gronda part dal temp vegn duvrada per las lavurs da nettegiament quotidianas. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco professiunala / professiunal da chavals AFQ.

Practicista / practicist tschentaplattas AFP



© SDBB | CSFO, Reto Klink

Practicistas e practicists tschentaplattas AFP tschentan plattas cheramicas. Els lavuran en chasas d'abitar novas u en chasas che vegnan renovadas, en edifizis d'industria e da mastergn sco er en edifizis publics. Cun ina moda da lavurar exacta taglian els las plattas, e quai cun maschinas da tagliar plattas, cun fresas a maun u cun fresas bletschas a diamant. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco tschentaplattas AFQ.

Pulitura / pulitur AFP



© SDBB | CSFO, Susi Lindig

Pulituras e puliturs AFP dattan la davosa glimada a las chaschas ed als bratschlets dad uras ubain a la bischutaria. Els nettegian, puleschan e tgiran metals e nobiliseschan surfatschas. Tut tenor il material sco er tut tenor la surfatscha e la furma giavischada tschernan pulituras e puliturs AFP la dretga procedura d'elavuraziun ed ils utensils adattads. Els elavuran tocs dad uras e da bischutaria che consistan d'aur, da platin, d'argent e d'ulteriurs metals. Els lavuran cun materials prezios, ch'els ston tractar cun precauziun. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco nobilisadra / nobilisader d'uras e da bischutaria AFQ.

Per il mument naginas firmas d'emprendissadi en il Grischun.

Practicista / practicist da medias stampadas AFP



© SDBB | CSFO, Maurice Grüning

Practicistas e practicists da medias stampadas AFP lavuran en manaschis da l'industria da stampa. Tut tenor la direcziun lavuran els en la stampa sin artgas u sin rollas da palpieri, en la serigrafia, en la chartunascha ed en l'emballadi, en la finiziun dals stampats u en la tecnica da reclama. Els sustegnan las spezialistas ed ils spezialists da la branscha da stampa e gidan a liquidar lur lavurs. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco tecnologa / tecnolog da medias AFQ, creadra / creader da publicitat AFQ u operatura / operatur da medias stampadas AFQ.

Per il mument naginas firmas d'emprendissadi en il Grischun.

Practicista / practicist da pneus AFP



© SDBB | CSFO, Reto Schlatter

Practicistas e practicists da pneus AFP controlleschan pneus e rodas da vehichels. Els midan e repareschan las rodas. Els exequeschon er lavurs da service pli pitschnas vi dals vehichels. Els demonteschan, monteschan ed equilibreschan rodas e midan per exemplar dals pneus da stad als pneus d'enviern. Els pumpen ils pneus, nettegian ils giavegls e pon er montar u demontar chadainas da naiv.

Emploiada / emploia da restauraziun AFP



© SDBB | CSFO, Thierry Parel

Emploiadadas ed emploiadadas da restauraziun AFP assistan ils giasts en l'ustaria. Els collavuran al buffet, servan las tratgas e las bavrondas e preparan il quint. Ultra da quai gidan els en il deposit e nettegian ils indrizs ed ils apparats.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco spezialista / spezialista da restauraziun AFQ.

Practicista / practicist da scrinaria AFP



© SDBB | CSFO, Iris Krebs

Practicistas e practicists da scrinaria AFP exequeschon simplas lavurs da scrinaria en il lavoratori u sin il pazzal. Els elavuran lain e materials da lain. En la scrinaria gidan els a producir elements da construcziun. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco scrinaria / scrinari AFQ.

Pendicularista / pendicularist AFP



© SDBB | CSFO, Susi Lindig

Pendicularistas e pendicularists AFP laschan ir e surveglian pendicularas. Els lavuran cun maschinas ed indrizs en il manaschi da pendiculara e vegnan en contact cun giasts e cun turists, e quai a la cassa u en la cabina.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco mecatronista / mecatronist da pendicularas AFQ.

Suladra / sulader AFP



© SDBB | CSFO, Susi Lindig

Suladoras e suladers AFP endrizzan ils pazzals per reparar vias, sendas e plazzas. Cun crappa da salaschada e cun plattas da crap natural tschentan els funds en differentas modas. Cun agid da cordas stendidas e da lattas da planar controlleschan els alura la posiziun da la crappa. Els lavuran en il team e da tutt'aura.

Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco constructura / constructur da vias AFQ.

Practicista montadra / practicist montader da storas AFP



© polybau.ch

Practicistas montadoras e practicists montaders da storas AFP gidan a montar storas ed auters sistems da protecziun cunter il sulegl. Cun lur lavur protegian els edifizis cunter l'irradiazion dal sulegl disturbanta. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco montadra / montader da storas AFQ.

Practicista / practicist da construcziun da vias AFP



© SDBB | CSFO, Maurice Grünig

Practicistas e practicists da construcziun da vias AFP construeschan e mantegnan vias da traffic da tut gener. Els lavuran sin plazzas, sin vias da velos e sin passapes e procuran per la segirezza da las participantas ed ils participants dal traffic. Els preparan il pazzal ed endrizzan apparats sco er deposits cun material, sco per exemplar laina per entuladas. Els elavuran la cuvrida da la via tenor plan e procuran per ina buna qualitat da las vias da traffic. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco constructura / constructur da vias AFQ.

Practicista / practicist da transports sin via AFP



© SDBB | CSFO, Frederic Meyer

Practicistas e practicists da transports sin via AFP transportan differenta rauba. Els planiseschan ils transports e san, co ch'ins va enturn cun la rauba. Els san era exequir reparaturas pli pitschnas ed eliminar pannas dal vehichel. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco spezialista / spezialist da transports sin via AFQ.

Practicista / practicist da textilias AFP



© SDBB | CSFO, Susi Lindig

Practicistas e practicists da textilias AFP collavuran tar la producziun da textilias per tarpuns, mobiglias, sumbrivals, bandieras, raits e rauba sumeglianta. Els utiliseschan las maschinas e survegian la producziun da las textilias. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco tecnologa / tecnolog da textilias AFQ.

Per il mument naginas firmas d'emprendissadi en il Grischun.

Lavuranta / lavurant d'uras AFP



© SDBB | CSFO, Thierry Porchet

Lavurantas e lavurants d'uras AFP lavuran en ateliers d'urers. Els mettan ensemes la tocca per uras mecanicas ed electronicas. Els san applitgar proceduras fundamentalas da la micromecanica, sco gravar, resgiar ora, glimar e turnar. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco urera / urer da producziun AFQ u urera / urer AFQ.

Per il mument naginas firmas d'emprendissadi en il Grischun.

Practicista / practicist da mantegniment AFP



© SDBB | CSFO, Thierry Porchet

Practicistas e practicists da mantegniment AFP nettegian e mantegnan edifizis sco er las plazzas, las zonas verdas e las vias dal contourn. Cun lur lavur procuran els ch'i saja net e segir e che tut funcziunia, sco quai ch'i vegn spetgà da las utilisadoras e dals utilisaders sco er da las visitadoras e dals visitaders. Els lavuran en edifizis ed al liber. Las differentas lavurs fan els sulets u en il team. Cun l'attestat professiunal AFP e cun bunas prestaziuns èsi puissaivel d'entrar en il 2. onn d'emprendissadi sco spezialista / spezialist per il mantegniment dal manaschi AFQ.

CPSC GR, 10.2022
Funtauna: www.berufe-easy.ch